

Malaysia gesa EU kukuh sokongan pembiayaan iklim Asia Tenggara

Kemampuan jadi teras, komited gerakan rantau lakukan tindakan kolektif lindungi masa depan

Brussels: Datuk Seri Anwar Ibrahim menggesa Kesatuan Eropah (EU) memperkukuh sokongan kepada Asia Tenggara melalui pembiayaan iklim yang lebih tinggi, pelaburan hijau, bantuan teknikal dan inisiatif pembinaan kapasiti.

Perdana Menteri berkata, seperti EU, Malaysia juga mengahui krisis iklim adalah cabaran yang menentukan era ini.

Beliau berkata, ketika bersiap sedia untuk mengambil alih jawatan Pengerusi ASEAN 2025, Putrajaya menjadikan kemampuan sebagai teras utama peranan Malaysia pada 2025, di samping komited untuk menggerakkan rantau itu melakukan tindakan kolektif yang berani bertujuan melindungi masa depan tanpa menjejaskan hak pembangunan dan kemakmuran ekonomi.

Beliau berkata demikian sema-

sa menyampaikan ucapata bertajuk "*Bridging Regions: Strengthening South-east Asia-European Resilience*" di College of Europe (COE) di Bruges, Belgium.

Perdana Menteri berkata, menyedari wujudnya jurang antara negara maju dengan negara yang sedang membangun, perkongsian bersifat saksama adalah penting untuk memajukan matlamat Perjanjian Paris serta memastikan negara yang kurang maju menerima sokongan yang diperlukan untuk langkah penyesuaian dan mitigasi iklim.

Perkongsian adalah kunci untuk meneruskan harapan Perjanjian Paris dan Malaysia menghargai sokongan berterusan EU terhadap aspirasi iklim Asia Tenggara, kata beliau.

"Peralihan daripada penggunaan bahan bakar fosil, membangunkan grid kuasa serantau, melaksanakan cukai karbon, membina daya tahan rakyat terhadap cuaca melampau dan memelihara biodiversiti yang kaya serta penyerapan karbon semula jadi.

"Semua ini hanyalah sebahagian daripada aspirasi Asia Tenggara ketika kami berusaha untuk mencapai masa depan yang lebih bersih di samping memastikan manfaat pembangunan tersedia untuk semua dan melindungi segmen masyarakat yang paling rentan," kata Anwar.



Anwar menyampaikan ucapata bertajuk '*Bridging Regions: Strengthening Southeast Asia-European Resilience*' di Brussels. (Foto BERNAMA)

Sementara itu, Anwar juga berkata Malaysia, Belgium dan EU menyambut baik gencatan senjata di Gaza dan berharap Israel dapat mengekalkan keamanan.

Semua pihak lega

Katanya, semua pihak berasa lega apabila terdapat kesediaan Israel dan Hamas untuk mencari perdamaian.

"Maknanya (gencatan senjata) dapat menghentikan serangan ganas, zalim Israel ke atas Gaza. Bagi kita, itu kesan dia," katanya pada sidang media pada akhir lawatan dua hari beliau ke Belgium.

Perdana Menteri berkata, ba-

gaimanapun isu paling penting sekarang adalah usaha membangunkan semula Gaza yang hampir musnah seperti padang jarak padang terkukur.

"Sekarang ini tanggungjawab bersama membangunkan semula Gaza," kata beliau yang sebelum itu menyampaikan ucapata bertajuk *Bridging Regions: Strengthening Southeast Asia-European Resilience* di College of Europe (COE) di sini, kira-kira 98 kilometer dari Brussels.

Perjanjian gencatan senjata Gaza mula berkuat kuasa pada jam 11.15 pagi waktu tempatan Ahad lalu selepas kelewatan be-

berapa jam akibat tuduhan Israel terhadap Hamas yang dikatakan melambatkan senarai tawanan yang akan dibebaskan.

Sejak 7 Oktober 2023, hampir 47,000 orang, kebanyakannya wanita dan kanak-kanak terbunuh dan lebih 110,700 cedera serangan Israel di Gaza, menurut pihak berkuasa kesihatan tempatan.

Terdahulu, Anwar semalam bertemu Perdana Menteri Belgium, Alexander De Croo untuk membincangkan hubungan Malaysia-Belgium, meningkatkan kerjasama dua hala serta bertukar-tukar pandangan mengenai isu serantau dan antarabangsa.